


Cheu Chicken Nuggets – leu tagliors vits ?

Tgei ha da far cun tgei? Ordeina las fotografias tier il text corrispudent ella spirala!



(1. Chicken Nuggets)

Bia affons e giuvenils carezan „Chicken Nuggets.“ Els vegnan fatgs orda carn pulaster. Quella spisa survegn ins en mintg'ustria da magliar alla sperta (Fastfood Restaurant) ni era sco product schelentau.

(2. Ustria da magliar alla sperta (Fastfoodrestaurant)

Sch'ins fagess ina retscha cun tut ils pulasters che vegnan vendi el decuors d'in onn sulettamein da Kentucky Fried Chicken sigl entir mund, dess quei in tschancun da 442 720 km. Quel corrispunda alla distanza dad endisch gadas entuorn il mund sigl Equator.

(3. Pulaster schelentau)

Mintga svizzer consumescha el decuors dad in onn 11,3 kg carn pulaster. Duront l'entira veta maglia mintga persona en Svizra, intragliauter 945 pulasters. La mesadad da quels vegn digl exterior.

(4. Mezca)

La gronda part dallas gaglinas vegn mazzada en grondas casas da maz. Las parts preferidas restan ell'Europa. Il rest dalla carn vegn tarmessa ell'Africa. Leu vegn quella vendida bienmarcau. Quei ha per consequenza, che menaschis da tratga africans san buca vender pli lur pulasters perquei ch'els ein bia pli cars, en cumparegliaziun culs pulasters dall'Europa.

(5. Stalla da tratga da gaglinas)

La plipart dallas gaglinas vegnan tratgas en grondas stallas. La veta d'in pulaster cuozza var diesch jamnas.

(6. Soja)

Per che las gaglinas creschian dabot, survegnan ellas pavel concentrau. Per ordinari ei quei Soja. Sch'ins impundess il garnezzi che las gaglinas consumeschan directamein per nutrir la glied, lu fuss ei pusseivel da nutrir dudisch ga dapli personas ch'entras carn pulaster.

(7. Monoculturas da Soja)

Soja deriva principalme in da l'America dil sid, surtut dalla Brasilia. Leu vegn quella cultivada sin grondas surfatschas da terren. Igl areal che vegn impundius per producir pavel d'animals egl'exteriur ei aschi gronds sco gl'entir territori agrar en Svizra. Per pavlar nos animals drova ei praticame in ina secunda Svizra egl'exteriur.

(8. Enguladetsch da terren / prender dils purs pigns)

Il s gronds producents da Soja engolan meinsvart il terren dils purs pigns. Il s purs pigns san buca far cunme in che dar si lur menaschi. Savens ston els bandunar lur atgna tiara.

(9. Destrucziun digl uaul tropic)

Per la cultivaziun da Soja, sco pavel d'animals vegn ei runcau immensas tendas d'uaul tropic. En Brasilia svanescha mintg'onn ina surfatscha d'uaul tropic ch'ei pli gronda che treis quartas dalla Svizra.

(10. Midada dil clima)

La destrucziun digl uaul tropic accelerescha la midada dil clima. La temperatura mundiala s'augmenta.

(11. Schitgira)

Catastrofas dall'aura prendan tier en consequenza dalla midada dil clima. Muort la schitgira sefuorman novs desiarts. En auters loghens destrueschan ciclons ni diluvis la basa da viver dil pievel.

(12. Fomaz / tagliors vits)

Buname in ina milliarda carstgauns pitescha da fomaz sin gl'entir mund. Sche tut il graun vegness magliaus dalla glieud, enstagl d'impunder el per pavlar il s animals, lu savess ins nutrir il dubel dalla glieud che viva uss sin tiara.